

بسم الله الرحمن الرحيم

هل الملحد مجرد حيوان ؟

للباحث/ أبو المتصر محمد شاهين التّاعب



بسم الله الرحمن الرحيم

السلام عليكم ورحمة الله وبركاته.

هنكمل ردود وتعليقات على فيديو (قصة الأديان)؛ لكن قبل ما نكمل أنت غالباً مش مشترك في القناة ٧٠٪ من المشاهدين مش مشتركين في القناة، أرجو إن أنت تضغط على الزر الأحمر للاشتراك في القناة وتضغط على علامة الجرس عشان تحيلك كل الإشعارات بالحلقات الجديدة.

فيه نوع من أنواع البجاجة اللي بيمارسها هذا الملحد -الي حتى ريتشارد دوكنز نفسه بطل يمارسها، أو ما بيمارسها- فكرة الإجابات القطعية! لأ المفروض تحترم نفسك وتحترم عقلك وتحترم محدودية تفكيرك وما تجزم بإجابات يعني ايه، يعني هو بيقول: (كيف جاء الكون لا أحد يعرف لكن العلم كل يوم ييقرب من الإجابة)، طيب دا إيمان بالغيب ما علينا، وبعدين: (في يوم هنعرف) -برضو إيمان بالغيب-، (ولكن لن تكون الإجابة الدين لن تكون معجزة لن تكون آلهة أو الله أو آلاف الآلهة الأخرى، الإجابة ستكون أعظم من ذلك بكثير)؛، إنت عرفت منين؟ اطلعت على الغيب؟!، المفروض إن أي شخص يسمع هذا الكلام من هذا الملحد يقوله احترم نفسك واحترم عقلك واحترم مشاهدينك واحترم عقولهم؛ لأن أنت بتجزم بإجابات أنت ما عندك السلطان إن أنت تقول بيها، منين عرفت إن العلم هيعرف ولا ما هيعرف؟ ومنين عرفت كمان ماهية الإجابة -إن احنا هنعرف لكن الإجابة ما هتكون كذا-؟! فكرة إن أنت تعمي عقلك عن category معينة من الإجابات دا بالضبط زي أعمى يقود عميان ولا راعي يقود خراف ولا الي هو أنتوا ماشين ورا واحد يقودكوا في طريق معين وغير مسموح لكم إن أنتوا تفكروا في اتجاهات أخرى؛! الإجابة مش هتكون الدين، الإجابة مش هتكون معجزة، الإجابة مش هتكون الآلهة، الإجابة ستكون أعظم من ذلك بكثير.

في نهاية الفيديو الشخص الملحد دا يقول ايه، يقولك: (أنا جاي أقولك بص على الصورة الأكبر بص من بعيد وأنت هتفهم)؛ طبعاً هو يقول هتفهم إن المنظومة كلها غلط!، أنت لو بصيت على الصورة الأكبر وبصيت من بعيد من أول نشأة الكون وبعدين ضبط الكون على المستويات المختلفة وبعدين نشأة الحياة وبعدين نشأة الإنسان وبصيت على كل دا ستدرك إن قطعاً يوجد إله، والعملية مش عبثية. فبالتالي لما الدين يقولك إن فيه فعلاً حساب بعد الموت ما ينفع أنت تتبجح على الأقل - حتى لو أنت مش مؤمن بالأديان - على الأقل تقول: (لا أعرف)، (من سيحاسب الظالم والقاتل؟)، تقول: (لا أعلم)، ليه تقول لا أعلم؛ لأن أنت المفروض كملحد - إذا كان كبار الملحدين - ما بيجرؤوا على إنهم يقولوا: (احنا عندنا أدلة تنفي وجود إله بشكل قطعي، فاحنا متأكدين بشكل قطعي أنه لا يوجد إله فبالتالي بما إننا احنا متأكدين إن مفيش إله يبقى مفيش حساب)؛ إذا كانت قضية وجود إله من عدمه كبار الملحدين ما يقولوا بيها وريتشارد دوكنز لما يقول: (إن النسب من ١ ل ٧ تقريباً - واحد متأكد بوجود إله، ٧ متأكد إن مفيش إله -)، هو ما بيحط نفسه رقم ٧ بيحط نفسه رقم ٦ أو ٦.٩؛ لكن لا يمكن يصل إلى اليقين بعدم وجود إله؛ يبقى ما تضحك على الناس وتقول: (آه مين هيحاسب الظالم والقاتل مفيش حد لأن مفيش إله)، أنت ما تقدر تجزم إن ما فيه إله وجزمك إن ما فيه إله دا جهل منك.

لما بيجي الملحد يقول: (مين اللي هيحاسب الظالم والقاتل؟ مفيش حد؛ الموت هو عقاب كافٍ لكل كائن حي). اللي بالنسبة للفريسة ظلم بالنسبة للمفترس طبيعي؛ كما تقتل الحيوانات وتأكلها - شيء طبيعي -، هنا مشكلة الملحد - زي ما يقول الدكتور هيثم طلعت - إن أنت عايز تختزل نفسك لمجرد حيوان!، أنت إنسان مش حيوان - لأ أنا حيوان، هو عايز يقول كدا أنا حيوان وزبي زي الحيوانات، وأنا عايز أعيش في الدنيا على أي مجرد حيوان -، يا ملحد إنت بتقدر تشعر من نفسك بالضرورة إن أنت

مميز عن كل الحيوانات الأخرى - لاً أنا مجرد حيوان -، قدراتك النفسية - لاً أنا مجرد حيوان -، قدراتك العقلية الذهنية - لاً أنا مجرد حيوان -، قدراتك الفسيولوجية الجسدية - لاً أنا مجرد حيوان -، أنت متفوق على كل الحيوانات الأخرى على كل المستويات ومع ذلك إنت عايز تختزل نفسك لمجرد حيوان مشكلة كبيرة!! . الإنسان يفهم يعني ايه خير بشكل مجرد مطلق ويفهم يعني ايه شر بشكل مجرد مطلق، يفهم يعني ايه عدل بشكل مجرد مطلق يفهم يعني ايه ظلم بشكل مجرد مطلق؛ ما له علاقة بمشاعر، فكون أن أنت تحتزل الظلم والعدل والخير والشر لمجرد مشاعر وهرمونات بتمشي في عقلك مش قوانين بيمشي عليها الكون؛ ايوه مين قالك إن هي قوانين بيمشي عليها الكون؟، هي مش قوانين بيمشي عليها الكون هي قوانين ربنا أودعها فيك أنت عندك نزعة أخلاقية إن أنت تعمل وفقها وبتشعر أن أنت أصبت شيء صحيح لما بتعمل وفقها، وبتشعر إن أنت عملت شيء غلط لما بتعمل وفقها.

طيب لما أنت بتقول: (مفیش حد هيحاسب الظالم والقاتل، الموت هو عقاب)، مفهوم العقوبة - أنت بتخلي الموت كعقوبة - دا ايه؟ دا مش تمنى زائف؟!، فكرة العقوبة وفكرة الثواب دي أفكار ميتافيزيقية متعلقة بقيم؛ القيم ما لها وجود أنطولوجي إلا بوجود الله عز وجل، دا كلام كبير، الملحدین ما يفهموه أو ما عايزين يشغلوا عقولهم عشان يفهموه. المفروض يقول: (إن مفیش حد -نقطة وخلاص-)، ما يقول: (إن الموت هو عقاب كافي لكل كائن حي)!! واياه ذنب الناس الي كذا كذا بتموت وهي ما ظلمت حد؟؟ بتتعاقب كذا كذا كل الناس هتتعاقب؟ الموت مش عقاب؛ الناس الي بتتحرر ما بتفكر في الموت على إنه عقاب؛ بتفكر في الموت على إنه راحة، ناس كتير جدًّا جدًّا لما بينخلعوا من مفهوم الإيمان بالله واليوم الآخر مع معاناة هذه الدنيا والآلام والمآسي الي احنا بنعيشها الموت وقتها -مش بيكون عقاب- الموت وقتها بيكون نجاة وراحة من كل المآسي الي أنا بعيشها في هذه

الدنيا، كون أن أنت بتتغافل عن دا -دا في حد ذاته- من ضمن الأرضة الي أنت بتأرطس بيها مشاهدينك.

أنا هكتفي بهذا القدر في هذا الفيديو، نكمل في فيديو آخر الرد عليه. لا تنسوني من صالح دعائكم والسلام عليكم ورحمة الله وبركاته.

احرص على مُتابعة كل جديد من قناة الدعوة الإسلامية
للاشتراك في القناة Subscribe اضغط على هذا الرابط <https://goo.gl/9Zhhpt>

لمشاهدة المقطع على اليوتيوب: <https://goo.gl/JBJpdt>

وإذا حاز الفيديو على إعجابك قم بعمل إعجاب Like ومشاركة Share
ولا تنس الاطلاع على الفيديوهات القديمة، سواء الدينية أو التقنية

=====

ادعمنا على Educational Videos | Patreon

<https://www.patreon.com/alta3b>

=====

للتواصل:

واتساب ٠٠٢٠١٠٠٥٦٥٤٢٠٧

آسك <https://ask.fm/alta3b>

تويتر <https://twitter.com/alta3b>

التابع فيسبوك <https://www.fb.com/alta3b>

الدعوة فيسبوك <https://www.fb.com/eld3wah>

<https://www.alta3b.wordpress.com> مدونة التاعب

<https://www.youtube.com/eld3wah> الدعوة يوتيوب

مع تحيات فريق مشروع التفريغ ☺
لمزيد من المعلومات الرجاء زيارة هذا الرابط:

<http://www.shbaboma.com/vb/forumdisplay.php?f=87>